

اُستَکْبَاشِ

۱۱ تشرین اول ۱۳۲۴

جمعه ابرنی

نومرو ۶

بوغازلرک مسدودیتہ معطوف اولوب وقوعی ملحوظ اولان تعرضات اجنبیہ قارشئ حال احتیاط و تحفظدہ بولمقدن عبارتدر . استانبولک ک طبیعی قبولی متاہسندہ بولنان بوغازلرک قبلی طوتلمسی پاتخت - ملطنت عثمانیہ ک امن واستقبالہ فوق العادہ تعلق ایدر بر مسئلہ حایہ در . بوغازلر مسئلہ سنک روسیہ حکومتی طرفدن بوصوک کونردہ اویاندیرلینی ومع مافیہ قریباً انعقاددن بحث اولنان قونفرانسک فہرست مذاکراندن کرید مسئلہ سی کی خارج بر اقلدینی وقونفراندن صکرہ یالکز روسیہ ایلہ دولت علیہ یئتندہ موقع مذاکرہ وضع اولنہ جفی ادعا اولنقدہ در . موضوع مقال اولان مسئلہ اطرافندہ دوران ایدن اشبو شئون و حوادث؛ دولت علیہ یہ بوبادہ کی مسلک تاریخینی ، دستور سیاسینی اخطار ایلملیدر .

بزہ قاورسہ انکلتزہ حکومتی بوغازلرہ یقین سودہ لیمانی کی اہمیتی براس بحریہ و دولت علیہ دخی درسعادتہ ایصال ایدن طرق بحریہ یہ حاکم قوتی استحکامات بریہ ایلہ عظیم بر قوۃ بحریہ یہ نائل اولما یجہ بوغازلر مسئلہ مہمسی صورت مصلحانہ ودوستانہ تسویہ پذیر اولہ امار .

سوختہ زادہ احمد

استشارہ مجموعۃ محترمہ سنہ تقدیمۃ ناچیزانہ مدر :

احمد رامہ

فس حقیقہ

بوسنہ - ہرسکک آوستریا طرفدن الحاقی بزہ کلاہلری دیکشدرتدی . شہور حریتک دہا اوچجیسی اکیال ایتہ دیکمز بر صیردہ باشمزہ بلغارستان استقلالی ، بوسنہ - ہرسکک الحاقی وکرید مسئلہ سی نامرلیہ چیقان بو اوج بوسکوللو بلانک آوستریا انتریقہ سی اولدیغندہ شک وشبہ قالمایجہ علیہ بر حرب اقتصادی آچہرق اموال وامتہ سنی کچہ کلاہ ایتدک . آوستریا شمالدن آلمانلرک تضییقہ بالقانلرہ طوغری یایلمغہ مجبور اولدیغنی متألمانہ کورمکدہ اولدینی - استشارہ -

انشارده برلین قونغرە سنك انعقادی وقوعە ككش واوزمان اورتهده كلاه اوینادان
(یسهارق)ك نفوذ سیاسیسنه سرفروایتدیکی حالده کندیسیدی ده برکلاه قامق املیلە دائما
آنك پولیتیکە سنی کودە رك نتیجهده اشغال بهانه سیله بوسنه وهرسکه قباغی آتمش
ایدی . بودفعه ایسه مشغولیت حاضرە مزدن بالاستفاده بلغارستانی اوکه سورە رك
الحاق مسئله سنی سربازانه اجرا ایلدی . بومعاملەدن بالطبع متأثر اولدق . بو آنه
قدر سرپوش ملی نظریله باقادیغمز فسلك آوستریا فابریقه لری معمولاتی اولسی
حسیله علیه عمومیتە یقین بر جریان حاصل اوله رق کچه كلاه ، عرقه ، قالباق
کییمك هوسنه دوشدك . بوجریانە قایلوب کیده جك اولورسەق بك ده فنا ایتمش
اولماز . مع هذا فسك یرینه اقامه ایده جکمز سربوشك تعین نوعی خصوصندە
حالات حیرز . آفوروز تعبیر ایدیلن بوقوتاز یعنی حرب اقتصادی آوستریا ادخالاتی
علیه معطوف الك مؤثر بر انتقام اولدیغندە شبهه یوقدر . بز بو حرکت مزده ثبات
ایدە جك اولورسەق اول امرده عزم متینانه مز آکلاشیلیر . مع هذا قاووغمزی
اوکزه آلەرق ایجه دوشونمکده محتاجز . چونکه فس کییه جك اولورسەق
نه کییه جکمز اولا بونی دوشونمەلی بز . فی الواقع باشی آجیق کزە جك دکمز . فقط
رسمی بر سرپوش انتخابی هر حالده الزمدر .

..

قیافت حاضرە عثمانیه نك متممی اولان فسك تاریخ قبول و استعمال
عمومیسى نقطه نظرندن بك یکیدر . بو سرپوشی تابیزانس زماننه ارجاع ایله
بورادن آطه لره ، یونانستانه ، تونسە وحقی فاسه نقل ایدن روایات ده واردر .
تدقیقات مخصوصه مزه نظراً فسی دار الخلافه ده تعمیم ایدن عهد محمود خان
تائیده سرعسکر ومکرراً قبودان دریا اولان مرحوم (محمد خسرو) پاشادر .
مشارالیه ۱۲۳۸ سنه سنده ایکنجی دفعه قبودان دریا نصب و ۱۲۴۲ سنه سنده
عزل ایدلمش ایدی . ایشته بودرت سنه ظرفندە آق دکرده بعض موفقیاتە نائل
اولدینی کبی کیلرده یولنان بکلک (بیراق عسکر) لری نه ده یالاخره « خورشید » نامی
آلان بر فرانسز چاوشی معرفتیه تعلیمات مقتضیه ده بولنش وبو عسکره تونسدن
آلدینی فسکری کییدیر مش ایدی .

حتی تاریخ عطاده عساگر منصوره محدیه بختنده:

(خسرو محمد پاشا از میرده وکیلده مملوکرندن وکی عسکرندن ترتیب ایندیکی برطابوره بو تعلیمی اجرا ایندیروب باشلرینه فس اکاسیله در سعاده وصولنده) قیدی ۱۲۴۱ سنه سی وقایی داخلنده کوسترلشدر .

(تاریخ لطفی) نک ۱۲۴۳ سنه سی وقایی سلسله سنده مطالعه گذارمز اولان (سر عسکر خسرو پاشا قبودان دریا اینکن مصر جهادیه عسکری کبی دوتامده نظامیه عسکری یتشیدیرمشدی . بو عسکره فرانسه لور معلم ایله تعلیم ایندیروب دأره سی متجیراندن یتشیدیریک کوله لردن جوغی اولوقت بو تعلیمی اوکرتمشلر و صکره سر عسکر اولدقده بو طابوری باب سر عسکری یه نقل ایله سار عسکر کدخی فرانسه اصولی اوزره تعلیملرینی بالتشویق خزینه داری میرمیران خلیل پاشایه حضور هایونده اجرا ایندیردی)

فقره سیله (اکسای فس بعساگر) سرنامه سی آلتده مندرج بولنان:

(آفاقاً بیان اولندی فی اوزره عساگر منصوره البسه سنک تخفیفی صیره ده باشلرینه سفر وحضرده مناسب برشی کیدیرلمسی تصور اولنشیدی . سر عسکر خسرو پاشانک باب سر عسکر یه نقل ایلدیکی آلایک فس لری کبی فس کیلمه سنه اراده تعلیقده لازم کن فس لک تدارکنه شروع و او صیره ده تونسه الی یک فس سپارش قلندی . بو مناسبتله فس اعمالی باشلیجه برشی اولدیغندن بوکا ارباب درایت ولیاقتدن برینک مأموریتی بالتذسیب بویله شیلر اعمال واختراعنده مهارتی اولان از میرلی (کاتب زاده مصطفی افندی) فس ناظری نصب اولندی)

فقره سی مدعا مزی تنویر و تأیید ایدر . شو حالده فسک دولتیجه قبولندن شو آنه قدر سکسان درت سنه مرور ایله مشدر .

نظر تدقیقیزی ۱۲۴۴ سنه سی وقوعات متنوعه سه ارجاع ایده جک اولور سه ق سنه مرقومه شوالنده بندگان وداعیانه علامت فارقه اولمق اوزره نشری مقارن اراده پادشاهی اولان البسه نظامنامه سنده :

(حرقة شریف زیارتی وعیدین معایده سی ومولد شریف قرأتی ورکاب

هایون رسم‌نیده صدر اعظم ایله قائم‌قامنک و سر عسکر ایله وزیرای عظامک باشلرینه کناری صیرمه ایشلمه فس وروم ایلی بکربیکی اولان ذوات ایله میر میراندن بولنان قبودان پاشا وعده‌سنده منصب اولان بالجله میر میرانلر ورجالدن مناصب سته رتبه‌سنده بولنان دفتر دار افندی ، وریس افندی وشقین ونشائیجی ودقتر امینی افندیلرک ، اوقاف هایون ناظری افندیدن سرکی نظارتیه کلنجه بالجله اوستلک اکتسا ایدن خواجکانک ، کرک امینی ، قصاب باشی ، خیمه خاصه مهتر باشیسیله معمار آغا مثللو اغواتک ، چاوشباشی آغا ورکاب هایون اغواتی ومیر علم آغانک ، کدکلو زعما وضابطان اوجاغ چاوشان ووزرای عظامک صقاللو وکدکلو اغواتنک وباب عالی ایله باب دفتریده مستخدم کتبه اقلامک خواجکاندن اولانلرینک لاجل التمز عادی فس اکتسا ایتملی محرز اولدینی کوریلور .

کذا ینه او وثیقه تاریخیده ۱۲۴۵ سنه سی وقوعاتی تعداد ایدلدیکی صیره‌ده :
 (وقعه خیریه بی متعاقب اکابر واصاغر قاروق قفلتدن آزاده سر قالمشیر ایدی .
 حال بوکه قاروقلرک یرینه باشلیجه برکسوه قونیه مامش وهرکس باشلوباشنه بردرلو شی صارمغه باشلامش ایدی . حتی ایچلرنده قاروقدن بیوک قوجه باشلر بلیرمشیدی بربرینه بکره مز قیافتلرله بین المأمورین تمایز حاصل اوله مدیغندن بو بایده ۱۲۴۴ سنه سی شوالنده بر نظامنامه قلمه آلمشدر) دیورکه بو نظامنامه : مالی سالف البیان البسه نظامنامه سیدر . بر روایت کوره سلطان محمود خان ثانی بالاده کی فقره ده مندرج بین المأمورین تمایزک حصولی مقصدیه او زمان اوروپادن اشکال مختلفه ده سرپوشلر جلب ایله مش ایه ده ادای صلات ایچون محذوری کورلمسی حبسیله ترک ایدلمشدر . بو سرپوشلرک طوبقیو سرابی ایچنده کی (سلاحخانه) ده جامکان ایچنده محفوظ اولدینی تأمین ایدیلیور . بعدالعید البته کیدوب بونلری کوره جکر . خاقان مرحومک بو تشبیه قیافت عثمانیه نقطه نظرندن مهم اولمغله برابر شیمدیکی تنظیم کسوه فکری ایچونده شایسته تدقیق بولندیغندن فوطوغرافیلرک اخذیه آریجه نشری مقرردر .
 ۱۲۴۶ سنه سی وقوعاننده دخی استانبولده فسخانه ده استخدام اولنق ایچون

تونس فسی اوسته لرندن برقاچ کشینک کوندرلمسی ضمننده محلنه اوامر اسطار
و کوندریلن فسجیلرک فسخانه ده استخدام ایدلکلری مذکوردر .

••

فسک، فاسدن کلدیکی حقنده (لهجه عثمانی) ده واوروپا آنسیقلوبه دیلرنده
کوریلن معلوماته تونس فساری دلاتیله اعتماد ایدیلیر .

بالاده مندرج البسه نظامنامه سی خلاصه سنده کوریلن ایشلمه فسدن ماعدا
ذات پادشاهی به وانجال هایونه مخصوص اوله رقی برده مرصع فس وار ایدی .

- مابعدی کلکچک نسخه ده -

احمد راسم

خنده وکریه

چکنده حیمتلی محررین عثمانیه دن بری : « استبداد اعاده اولنورسه محو اولدیغیز
کوندر . زیرا بن سن هیمز استبدادک ظلمندن بحث ایتدک . دفترله کچدک ... دیوردی .
اگر بویله بر سجل عثمانی پایورلرسه اداره سابقه طرفدارانه بیان ممنونیت ایتلی یز ؛
چونکه بو همملری سایه سنده مملکت مزک نفوسی شک وشبه دن سالم بر صورتده تحریر
یعنی انسانلرینک مقداری تعیین ایدلمش اولور . خلافکیران حضراتی شو خدمت لرنه قارشو
بر نصیحتی دیگمه که تنزل بیورسونلر ، فطرت لری مساعد اولدیقی مرتبه احاله کوش
اعتبار ایلسونلر ... بهر اسم ایکی ساتیمتره ک بره صیفدرلرسه بیله سکر اون میلیون
بیوک قاریش اوزونلغنه واره جق اولان بو لیسته نك آلتنه کندیلرینی قویسونلر ...
دها ایسی رسملرینی یاپسونلر زیرا آمریقاتک قمرزی دریلرینی یا خود آفریقاتک یام یاملرینی
بورایه نقل ایتینجه بزره غالبیلری ممکن اوله ماز شونلر ایسه حقیق دوستلرینی دشمنلرندن
تفریق ایده مزده سهواً خلافکیران صفرلرینه صالدرلر . لطافتدن در : « اشک » کلک سنی
یازوب کوسترن بیجاریه نی تجهیل ایدن ای کویلیلر اشکک رسمی بابوب برورلرینه طیبیان
حریفی تجهیل ایشلر ... لطیفه برطرف ، سوزنی سرنامه مقالی ایشدیکم رفیق محترمی
قطمین ایدرم : استبداد دونمز . طرفدارانک بسلدکلری کبی فکرلر سرست فرانسزلرک
دیلنده « Idées cornues » دیرلرکه اصلاً بونوزلی مجازاً خام افکار معناسنه کلیر .
زمان قدیم مکاتبته بر قضیه سفسطه پروانه مشهوردر : « غائب ایتدیکلر شی سزده
واردر ، ایتدی سز بونوز غائب ایتدیکر ؛ بناء علیه سزده بونوز واردر »
« ایده قورنو » بوندن تولد ایدرک طی زمان ایده بزه قدر کلشدر . فنا ایتامش ،
ایشه یاریور ...